

Տրաժարեցաւ Եւգոկիոյ աթոռը փոխանորդով  
կառավարելէն, եւ կը բնակէր ձերթ Ս. Գէորգայ  
եկեղեցին եւ ձերթ Յակոբ Պատրիարքի քով  
Ս. Աստուածածնի եկեղեցին. յաճախ կ'երթար  
Ս. Լուսաւորիչ եկեղեցին Ղալաթիոյ, Ս. Հրեշ-  
տակապետաց եկեղեցին, Սկիւտարի եկեղեցին,  
եւ Սեւ ծովու նեղուցին եկեղեցիները, եւ քա-  
րոզ կու տար ամէն տեղ:

Անշուշտ այս միջոցներուն պիտի վերաբերի  
Հետեւեալ նամակն Յակոբ Պատրիարքի, զոր  
15 Դեկտ. 1761ին գրած է Սարգիս Արքեպիս-  
կոպոսին (Դիւ. Լիվ.):

Լ.

Սիրով սրբոյ Հոգւոյն եւ Յիսուսածիր ողջու-  
նիւ ծանիր սիրելի իմ եւ պաշտօնակից եղբայր  
Սարգիս Աստուածաբան վարդապետ, զտաճկէվար  
Ֆէրմանի սուրէթս որպէս յամենայն եկեղեցիս,  
նոյնպէս այդր առաքեցաք. յառաւօտուն որ է կի-  
րակի յատեանն մօլլայի կամ գիտողի զգարութիւն  
տաճկի մի ընթեռնուլ տացես, եւ ըստ միւճէպին  
ղծանուցումն արասցես լաւ թէմպէհիւ եւն. լինե-  
լով ողջ ի Տէր ի Պարծանս Յկբ. Պոր" կոս" պօլ".  
ՌՄԺ (= 1761). Դեկտ. ԺԵ. (Յակոբայ կնիքը, որ  
կը կարդացուի (փակագիր) "Յակոբ վարդապետ  
ՌՃՂ." = 1741):

Եւ ահա դարձեալ իրեն դէմ հակառա-  
կորդներ ելան, որոնց գլխաւորներն էին Յօհան  
սաիրիչ, Տիվրիկեցի Մովսէս եւ Մեծմատնեան,  
որոնց պարագլուխն էր ուղղափառաց միշտ հա-  
կառակող Մանուէլ քահանայ: Այս անձինք  
ինչպէս Սարգսի, նոյնպէս Յակոբ Պատրիարքի,